



**R**eginoldus in studijs bonarum artium & linguarum optimè institutus fuit. Erat enim linguæ Hebraicæ, Græcæ, Latinæ, & Germanicæ peritissimus. præterea artis Musices suo tēpore præstantissimus. Hanc eruditionem uitæ quoque integritate exornabat. Itaque post mortem Starhandi præfulis Eystetēsis, qui ab Vngaris ad Augustam occisus erat, ipse omnium consensu undecimus eius loci antistes, anno 965, eligitur. Eo tempore Ottones ordine Imperium Romanum magna laude gubernabant. Illi hunc Episcopum ob egregias uirtutes plurimum amarunt, atque in rebus grauissimis eum in consilium adhibuerunt. Cum hac

ratione Ecclesiam suam ædificijs & uirtutibus exornasset, tandem post uicesimum quartum annum suæ administrationis obiit, atque Meginessum S. Henrici cognatum, successorem accepit. Anon.